

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Број: 05/7-39-1-173-17,1/24

Sarajevo, 22. 3. 2024.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-04-2024			
Organizaciona jedinica	Klasifikaciona oznaka	Redni broj	Broj priloga

ZAPISNIK

17. sjednice Vijeća nacionalnih manjina BiH, održane 22. 3. 2024. u Prnjavoru

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Hakan Varan, Violeta Džolan, Dejan Piotrovski i Miroslav Bobrek.

Odsustvo su opravdali: Dragica Tešić i Željko Vaško.

Sjednici su prisustvovali i: Kemo Sarač, pomoćnik ministra za ljudska prava i izbjeglice BiH, Aleksandra Jarić, šefica Odsjeka za zaštitu prava i saradnju s nacionalnim manjinama i drugim manjinama, vjerskim zajednicama i nevladinim organizacijama u Ministarstvu za ljudska prava BiH, Željko Simić, predsjednik Skupštine Grada Prnjavor, i Vladana Savić, stručna savjetnica u Sektoru za druga parlamentarna tijela.

Za sjednicu je predložen sljedeći

DNEVNI RED

1. Razmatranje Prijedloga zapisnika 16. sjednice Vijeća nacionalnih manjina BiH;

2. Razmatranje problema i donošenje preporuka za adekvatno ostvarivanje prava nacionalnih manjina u Zakonu o zaštiti prava pripadnika nacionalnih manjina BiH;
3. Razmatranje problema i donošenje preporuka za adekvatno ostvarivanje prava nacionalnih manjina u Izbornom zakonu BiH;
4. Tekuća pitanja.

Prije usvajanja dnevnog reda za riječ se javio Franjo Rover i predložio dopunu dnevnog reda, i to dopuna tačke 2. Dogovor o pripremama za 1. konferenciju nacionalnih manjina u BiH, tako da tačke 2, 3. i 4. predloženog dnevnog reda postaju 3, 4. i 5.

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjedavajući Vijeća nacionalnih manjina BiH konstatirao je da je usvojen sljedeći dnevni red:

1. Razmatranje Prijedloga zapisnika 16. sjednice Vijeća nacionalnih manjina BiH;
2. Dogovor o pripremama za 1. konferenciju nacionalnih manjina u BiH;
3. Razmatranje problema i donošenje preporuka za adekvatno ostvarivanje prava nacionalnih manjina u Zakonu o zaštiti prava pripadnika nacionalnih manjina BiH;
4. Razmatranje problema i donošenje preporuka za adekvatno ostvarivanje prava nacionalnih manjina u Izbornom zakonu BiH;
5. Tekuća pitanja.

Prije razmatranja 1. tačke dnevnog reda prisutnima se obratio predsjednik Skupštine Grada Prnjavor Željko Simić. Poželio je dobrodošlicu i izrazio zadovoljstvo što se sjednica Vijeća nacionalnih manjina BiH održava u Prnjavoru, gradu koji je zbog svog raznolikog nacionalnog i kulturnog sastava, te kao lokalna zajednica s najvećim brojem nacionalnih manjina u Bosni i Hercegovine, kako je rekao, s pravom prozvan „Mala Evropa“. Posebno je naglasio da sva udruženja nacionalnih manjina u Prnjavoru imaju punu podršku Grada Prnjavora u ostvarivanju svojih prava.

Članove Vijeća nacionalnih manjina BiH pozvao je na proslavu Grada Prnjavor i manifestaciju „Festival nacionalnih manjina Grada Prnjavor - Mala Evropa“.

Ad. 1. Razmatranje Prijedloga zapisnika 16. sjednice Vijeća nacionalnih manjina BiH

Nakon uvodnih napomena predsjedavajućeg, Zapisnik je usvojen s 15 glasova „za“ i jednim glasom „suzdržan“, jer član Vijeća nije bio prisutan prethodnoj sjednici.

Ad. 2. Dogovor o pripremama 1. konferencije nacionalnih manjina u BiH

U uvodnom izlaganju o ovoj tački dnevnog reda Franjo Rover upoznao je prisutne o sastanku koji je održan 4. marta u Parlamentarnoj skupštini BiH, po okončanju Regionalne konferencije o ljudskim pravima, a na kojem je dogovorena saradnja Vijeća nacionalnih manjina, Ministarstva za ljudska prava i izbjeglice BiH i Misije OSCE-a u BiH u vezi s organizacijom 1. konferencije nacionalnih manjina u BiH. Prisutne je upoznao da je utvrđen termin za održavanje konferencije, 21. maj 2024, te da su dogovorene dvije ključne teme o kojima će se raspravljati na 1. konferenciji: „Podrška za kulturnu saradnju nacionalnih manjina u BiH“ i „Kako unaprijediti saradnju Vijeća nacionalnih manjina BiH s udruženjima nacionalnih manjina u Bosni i Hercegovini“.

U iscrpnoj raspravi o ovoj tački dnevnog reda učestvovali su: Mujo Fafulić, Saša Mićin, Mihal Hemun, Franjo Rover, Miroslav Bobrek, Hakan Varan, Zamire Sokoli-Begović, Velibor Kuvač, Davor Ebner, te predstavnici Ministarstva za ljudska prava i izbjeglice BiH Kemo Sarač i Aleksandra Jarić.

Predstavnici Ministarstva za ljudska prava i izbjeglice BiH iznijeli su prijedloge tema o kojima bi se moglo razgovarati na konferenciji, a govorili su i o iskustvima u organizaciji velike Regionalne konferencije o nacionalnim manjinama koja je održana 4. i 5. marta u Sarajevu.

Predložili su da se na konferenciju pozovu predstavnici ambasada država priznatih nacionalnih manjina u BiH, predstavnici međunarodnih organizacija i resorne institucije koje se bave pitanjima nacionalnih manjina u BiH

- Franjo Rover predložio je da se na konferenciju pozovu predstavnici lokalnih zajednica kako bi se razgovaralo o primjerima dobre prakse kada je u pitanju saradnja s udruženjima nacionalnih manjina.
- Mujo Fafulić naglasio je da se na konferenciju pozove po jedan predstavnik svakog udruženja.

- Velibor Kuvač ukazao je na problem finansiranja udruženja nacionalnih manjina u BiH u vezi sa osnovnim troškovima udruženja.
- Igor Kotjelnikov predložio je da jedna od budućih tema konferencije bude obrazovanje i zastupljenost u medijima pripadnika nacionalnih manjina.
- Zamire Sokoli-Begović predložila je da u okviru konferencije svaka nacionalna manjina predstavi neki od autentičnih realiziranih projekata.
- Miroslav Bobrek predložio je da se razgovara o kulturnoj baštini nacionalnih manjina u kulturnom miljeu BiH, te da se na konferenciju pozovu kulturno-prosvjetna udruženja iz regiona.

Po okončanju rasprave, a na prijedlog predsjedavajućeg, informacije su jednoglasno primljene k znanju.

Ad. 3. Razmatranje problema i donošenje preporuka za adekvatno ostvarivanje prava nacionalnih manjina u Zakonu o zaštiti prava pripadnika nacionalnih manjina BiH

U uvodnom izlaganju o ovoj tački dnevnog reda Saša Mićin upoznao je prisutne o dostavljenim materijalima, koje je pripremio i razmatralo Vijeće nacionalnih manjina u prethodnom sazivu. On je naglasio da se materijali odnose na analizu Zakona o pravima pripadnika nacionalnih manjina prof. Hofmanna, koja je detaljna i može poslužiti kao dobar osnov za poboljšanje zakona, te komparativno istraživanje Istraživačkog sektora PSBiH. Predložio je da se svim članovima Vijeća dostave navedeni materijali, kao i zbornik radova „Autentičnost nacionalne manjine“, te da se nakon detaljne analize ovih materijala zakaže tematska sjednica Vijeća, na kojoj bi se razmatrala ova kompleksna materija i pripremila inicijativa koj bi bila dostavljena nadležnim institucijama.

U iscrpnoj raspravi o ovoj tački dnevnog reda učestvovali su: Saša Mićin, Mujo Fafulić, Mihal Hemun, Franjo Rover, Miroslav Bobrek, Dejan Piotrovski, Igor Kotjelnikov, Velibor Kuvač, Davor Ebner, te predstavnici Ministarstva za ljudska prava i izbjeglice BiH Kemo Sarač i Aleksandra Jarić.

Konstatirano je da - nacionalne manjine nisu učestvovala u izradi Zakona o zaštiti prava pripadnika nacionalnih manjina, ne postoje podzakonski akti kojima se detaljno definišu prava i obaveze nacionalnih manjina, te da zakoni o nacionalnim manjinama na entitetskom i državnom nivou nisu usaglašeni.

Nakon rasprave, članovi Vijeća nacionalnih manjina BiH jednoglasno su prihvatili prijedlog.

Ad. 4. Razmatranje problema i donošenje preporuka za adekvatno ostvarivanje prava nacionalnih manjina u Izbornom zakonu BiH

U uvodnom izlaganju o ovoj tački dnevnog reda, govoreći o materijalu na kojem je radio zajedno s predsjedavajućim Vijeća, Miroslav Bobrek naglasio je da je neophodno uspostavljanje mehanizma u Izbornom zakonu koji osigurava da predstavnike nacionalnih manjina predlažu i biraju nacionalne manjine, te da u tom pravcu postoje primjeri dobre prakse u zemljama u okruženju. Ukazao je na problem nepostojanja podzakonskih akata kojima se definiraju kako se određuje/utvrđuje pripadnost određenoj nacionalnoj manjini. Predložio je da se u jednom dopisu definiraju svi problemi nacionalnih manjina koji se odnose na nedostatke u Zakonu o zaštiti pripadnika nacionalnih manjina i Izbornom zakonu, te da se dopis uputi Parlamentarnoj skupštini BiH i relevantnim institucijama, da prilikom budućih zakonskih rješenja uvažavaju prijedloge i preporuke Vijeća, jer Vijeće nacionalnih manjina nema kapacitet da mijenja zakone.

U raspravi koja je uslijedila učestvovali su: Mujo Fafulić, Miroslav Bobrek, Saša Mićin, Velibor Kuvač i predstavnici Ministarstva za ljudska prava i izbjeglice BiH Kemo Sarač i Aleksandra Jarić. Nakon iscrpne rasprave, a na prijedlog predsjedavajućeg, informacija je primljena k znanju.

Ad. 5. Tekuća pitanja

Kemo Sarač, pomoćnik ministra za ljudska prava i izbjeglice BiH, upoznao je prisutne da je Ministarstvo za ljudska prava i izbjeglice BiH uputilo poziv Ministarstvu civilnih poslava BiH da se definiraju grant kvote za projekte kulture za organizacije i udruženja pripadnika nacionalnih manjina u BiH.

Naredna sjednica Vijeća planirana je za 8. april 2024. u Kaknju, s početkom u 17 sati.


Sjednica je završena u 18.15 sati.

Stručna savjetnica u

Predsjedavajući

Sektoru za druga parlamentarna tijela

Vladana Savić



Vijeća nacionalnih manjina BiH

Mujo Fafulić

